



Broj: 02-05-945-2/15  
Sarajevo, 21.01.2015. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo, na **86.** sjednici održanoj **21.01.2015.** godine, donijela je sljedeći

## ZAKLJUČAK

1. Utvrđuje se prijedlog Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo.
2. Predlaže se Skupštini Kantona Sarajevo da donese zakon iz tačke 1. ovog Zaključka po hitnom postupku, u skladu sa članom 159. Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst i br. 15/13 i 47/13).

**VRŠILAC FUNKCIJE  
PREMIJERA  
Muhamed Kozadra, dipl.ecc.**

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Ministarstvo finansija
6. Evidencija
7. Arhiva



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



# OBRASLOŽENJE

## PRAVNI OSNOV

Pravni osnov za donošenje ovog zakona sadržan je u odredbama 18.tačka b) i člana 30. stav 2. Ustava Kantona Sarajevo, kojim je utvrđena zakonodavna funkcija Skupštine Kantona, kao i da se zakonom Kantona, u skladu s načelima i principima organizacije uprave, utvrđuje ukupna organizacija kantonalne uprave, te člana 46. Zakona o organizaciji organa uprave u Federaciji Bosne i Hercegovine, kojim je utvrđeno da se kantonalni organi uprave i kantonalne upravne organizacije osnivaju i ukidaju i njihov djelokrug utvrđuje kantonalnim zakonom o organizaciji i djelokrugu kantonalnih organa uprave i upravnih organizacija, u vezi sa članom 73. tog zakona, kojim je propisano postupanje u slučaju ukidanja jednog, a osnivanja drugog organa uprave ili upravne organizacije.

## RAZLOZI DONOŠENJA

Inicijativu za izmjene ovog zakona ovom ministarstvu dostavio je vršilac funkcije premijera Kantona Sarajevo dana 08.01.2015. godine.

Zbog stalnih problema sa funkcionisanjem komunalne privrede i teškog finansijskog položaja u kojima se nalaze kantonalna javna komunalna preduzeća, ukazala se neophodnom potreba da se osnuje posebno Ministarstvo komunalne privrede i infrastrukture koje bi se bavilo upravnim i stručnim poslovima, utvrđenim ustavom i zakonom, u oblasti komunalne privrede.

Nadalje, ovim izmjenama ukida se Ministarstvo stambene politike, a poslovi iz nadležnosti ovog ministarstva prelaze u nadležnost Ministarstva prostornog uređenja, građenja i zaštite okoliša, smatrajući da se nadležnost u oblasti stambene politike, uključujući i donošenje propisa koji se tiču uređivanja i izgradnje, obnove i rekonstrukcije stambenih objekata i poslovi stambene inspekcije, može nesmetano nastaviti obavljati u sastavu Ministarstva prostornog uređenja, građenja i zaštite okoliša, čiji je djelokrug također izmijenjen, odnosno proširen.

## PRAVNA RJEŠENJA

**Član 1.**-U članu 6. mijenjaju se nazivi ministarstava prostornog uređenja i zaštite okoliša i stambene politike u Ministarstvo prostornog uređenja, građenja i zaštite okoliša i Ministarstvo komunalne privrede i infrastrukture.

**Član 2.**-Mijenja se naziv i utvrđuje nadležnost Ministarstva prostornog uređenja, građenja i zaštite okoliša, tako što se djelokrug dosadašnjeg Ministarstva prostornog uređenja i zaštite okoliša proširuje sa nadležnostima dosadašnjeg Ministarstva stambene politike, odnosno nadležnostima u oblasti građenja, a izostavlja se dosadašnja nadležnost iz oblasti komunalnih djelatnosti.

**Član 3.**-Mijenja se član 9. i utvrđuje se nadležnost novog Ministarstva komunalne privrede i infrastrukture.

**Član 4.**-Ovim članom se uređuje početak rada Ministarstva prostornog uređenja, građenja i zaštite okoliša, te Ministarstva komunalne privrede i infrastrukture. Propisuje se da ova ministarstva počinju sa radom danom imenovanja ministra.

**Član 5.**-Utvrđuje se prestanak rada Ministarstva prostornog uređenja i zaštite okoliša i Ministarstva stambene politike danom imenovanja ministra prostornog uređenja, građenja i zaštite okoliša i ministra komunalne privrede i infrastrukture.

**Član 6.**-Određuje se rok od 30 dana od stupanja na snagu ovog zakona za imenovanje novih ministara.

**Član 7.**-Ovim članom se propisuje da, s danom početka rada, Ministarstvo prostornog uređenja, građenja i zaštite okoliša preuzima državne službenike (uključujući rukovodeće i

ostale državne službenike) i namještenike, arhivu i dokumentaciju i sredstva rada Ministarstva prostornog uređenja i zaštite okoliša, osim onih koji su obavljali poslove iz oblasti komunalnih djelatnosti, kao i onih samostalnih izvršilaca koji su neposredno organizaciono vezani za ministra (sekretar ministarstva, viši referent – tehnički sekretar, viši referent za informatiku, viši referent za administrativno-tehničke poslove, viši referent – VKV vozač), te preuzima državne službenike (uključujući rukovodeće i ostale državne službenike) i namještenike, arhivu i dokumentaciju i sredstva rada Ministarstva stambene politike.

Ovakvo preuzimanje državnih službenika i namještenika koji su neposredno organizaciono vezani za ministra predlažu se s ciljem racionalizacije uprave, tj. da bi se spriječilo stvaranje prekobrojnih državnih službenika i namještenika u jednom ministarstvu (Ministarstvo prostornog uređenja, građenja i zaštite okoliša), dok bi u drugom ministarstvu (Ministarstvo komunalne privrede i infrastrukture) ova mjesta ostala upražnjena, te bi bilo neophodno raspisivanje novih konkursa za navedena upražnjena radna mjesta.

**Član 8.**-Ovim članom se propisuje da, s danom početka rada, Ministarstvo komunalne privrede i infrastrukture preuzima one državne službenike (uključujući rukovodeće i ostale državne službenike) i namještenike, arhivu i dokumentaciju i sredstva rada iz Ministarstva prostornog uređenja i zaštite okoliša koji su obavljali poslove iz oblasti komunalnih djelatnosti, kao i one samostalne izvršioce koji su neposredno organizaciono vezani za ministra (sekretar ministarstva, viši referent – tehnički sekretar, viši referent za informatiku, viši referent za administrativno-tehničke poslove, viši referent – VKV vozač).

**Član 9.**-Ovim članom se propisuje donošenje Pravilnika o unutrašnjoj organizaciji Ministarstva prostornog uređenja, građenja i zaštite okoliša u roku do 30 dana od dana početka rada Ministarstva.

**Član 10.**-Ovim članom propisuje se donošenje Pravilnika o unutrašnjoj organizaciji Ministarstva komunalne privrede i infrastrukture u roku do 30 dana od dana početka rada Ministarstva.

**Član 11.**-Propisuje se uobičajeni rok za stupanje na snagu Zakona.

## **DONOŠENJE ZAKONA PO HITNOM POSTUPKU**

Predlaže se donošenje ovog zakona po hitnom postupku, u skladu sa članom 159. Poslovnika Skupštine Kantona Sarajevo ("Službene novine Kantona Sarajevo", broj 41/12-Drugi novi prečišćeni tekst i br. 15/13 i 47/13), jer se radi o neodložnoj potrebi da se definišu ministarstva i njihove nadležnosti prije imenovanja ministara u novom sazivu. Nedonošenje ovog zakona prije imenovanja novih ministara, izazvalo bi štetne posljedice za društvene interese Kantona, jer bi odgodilo imenovanje izvršne vlasti, odnosno kasnijim izmjenama i dopunama Zakona moralo bi se vršiti razrješenje i ponovno imenovanje ministara.

## **POTREBNA FINANSIJSKA SREDSTVA**

Za provođenje ovog zakona nije potrebno planirati sredstva u Budžetu Kantona Sarajevo, obzirom da izmjenama nije povećan broj ministarstva u odnosu na broj koji je bio ranije.

Bosna i Hercegovine  
Federacija Bosne i Hercegovine  
KANTON SARAJEVO  
VLADA

**ZAKON  
O IZMJENAMA I DOPUNAMA ZAKONA O ORGANIZACIJI I  
DJELOKRUGU ORGANA UPRAVE I UPRAVNIH  
ORGANIZACIJA KANTONA SARAJEVO  
(PRIJEDLOG)**

**Nosilac izrade:  
Ministarstvo pravde i uprave**

Sarajevo, januar 2015.godine

Na osnovu člana 18.tačka b) i člana 30. stav 2. Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01, 28/04 i 6/13) i člana 46. u vezi sa članom 73. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05), Skupština Kantona Sarajevo na \_\_\_\_sjednici od \_\_\_\_\_2015. godine, donijela je

**PRIJEDLOG**

## **ZAKON**

# **O IZMJENAMA I DOPUNAMA ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO**

Član 1.

(Izmjene člana 6.)

U Zakonu o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Prečišćeni tekst i broj 41/12), u članu 6. oznaka na početku teksta „(1)“ briše se, a tač. b) i c) mijenjaju se i glase:

- „b) Ministarstvo prostornog uređenja, građenja i zaštite okoliša,
- c) Ministarstvo komunalne privrede i infrastrukture,“.

Član 2.

(Izmjena člana 8.)

Član 8. mijenja se i glasi:

„Član 8.

(Ministarstvo prostornog uređenja, građenja i zaštite okoliša)

- (1) Ministarstvo prostornog uređenja, građenja i zaštite okoliša vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti prostornog uređenja, građenja, zaštite okoliša, utvrđivanja stambene politike, uključujući i donošenje propisa koji se tiču uređivanja i izgradnje, obnove i rekonstrukcije stambenih objekata i poslove stambene inspekcije.
- (2) U sastavu Ministarstva prostornog uređenja, građenja i zaštite okoliša su Uprava za geodetske i imovinsko-pravne poslove i Uprava za stambena pitanja.
- (3) Uprava za geodetske i imovinsko-pravne poslove vrši upravne i druge stručne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti geodetskih i imovinsko-pravnih poslova.
- (4) Uprava za stambena pitanja vrši upravne i druge stručne poslove koji se odnose na prvostepeni upravni postupak po zakonima iz oblasti stambenih odnosa i aktima o provođenju tih zakona.“

Član 3.

(Izmjena člana 9.)

Član 9. mijenja se i glasi:

„Član 9.

(Ministarstvo komunalne privrede i infrastrukture)

Ministarstvo komunalne privrede i infrastrukture vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti

Kantona u oblasti komunalnih djelatnosti, komunalne privrede i infrastrukture.“

#### Član 4.

(Početak rada Ministarstva prostornog uređenja, građenja i zaštite okoliša i Ministarstva komunalne privrede i infrastrukture)

- (1) Ministarstvo prostornog uređenja, građenja i zaštite okoliša počinje s radom danom imenovanja ministra.
- (2) Ministarstvo komunalne privrede i infrastrukture počinju s radom danom imenovanja ministra.

#### Član 5.

(Prestanak s radom Ministarstva prostornog uređenja i zaštite okoliša i Ministarstva stambene politike)

Danom imenovanja ministara iz člana 4. ovog zakona prestaju s radom:

- a) Ministarstvo prostornog uređenja i zaštite okoliša i
- b) Ministarstvo stambene politike.

#### Član 6.

(Rok za imenovanje ministara)

Ministri iz člana 4. ovog zakona imenovaće se u roku od 30 dana od dana stupanja na snagu ovog zakona.

#### Član 7.

(Preuzimanje državnih službenika i namještenika, arhive, dokumentacije i sredstava rada Ministarstva prostornog uređenja i zaštite okoliša i Ministarstva stambene politike)

- (1) Danom početka rada Ministarstvo prostornog uređenja, građenja i zaštite okoliša preuzima državne službenike i namještenike, arhivu i dokumentaciju i sredstva rada Ministarstva prostornog uređenja i zaštite okoliša, osim onih koji su obavljali poslove iz oblasti komunalnih djelatnosti, kao i onih koji su obavljali poslove samostalnih izvršilaca koji su neposredno organizaciono vezani za ministra (sekretar ministarstva, viši referent – tehnički sekretar, viši referent za informatiku, viši referent za administrativno-tehničke poslove, viši referent – VKV vozač).
- (2) Danom početka rada Ministarstvo prostornog uređenja, građenja i zaštite okoliša preuzima državne službenike i namještenike, arhivu i dokumentaciju i sredstva rada Ministarstva stambene politike.

#### Član 8.

(Preuzimanje državnih službenika i namještenika, arhive, dokumentacije i sredstava rada iz Ministarstva prostornog uređenja i zaštite okoliša)

Danom početka rada Ministarstvo komunalne privrede i infrastrukture preuzima one državne službenike i namještenike, arhivu i dokumentaciju i sredstva rada iz Ministarstva prostornog uređenja i zaštite okoliša, koji su obavljali poslove iz oblasti komunalnih djelatnosti, kao i one samostalne izvršioce koji su neposredno organizaciono vezani za ministra (sekretar ministarstva, viši referent – tehnički sekretar, viši referent za informatiku, viši referent za administrativno-tehničke poslove, viši referent – VKV vozač).

Član 9.

(Donošenje pravilnika o unutrašnjoj organizaciji Ministarstva prostornog uređenja, građenja i zaštite okoliša )

U roku od 30 dana od početka rada Ministarstva prostornog uređenja, građenja i zaštite okoliša, ministar prostornog uređenja, građenja i zaštite okoliša dužan je donijeti Pravilnik o unutrašnjoj organizaciji Ministarstva prostornog uređenja, građenja i zaštite okoliša.

Član 10.

(Donošenje pravilnika o unutrašnjoj organizaciji Ministarstva komunalne privrede i infrastrukture)

U roku od 30 dana od početka rada Ministarstva komunalne privrede i infrastrukture, ministar komunalne privrede i infrastrukture dužan je donijeti Pravilnik o unutrašnjoj organizaciji Ministarstva komunalne privrede i infrastrukture.

Član 11.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Broj: \_\_\_\_\_  
Sarajevo, \_\_\_\_\_

PREDSJEDAVAJUĆI  
SKUPŠTINE KANTONA SARAJEVO

Sabahudin Delalić